

中國地方志集成

省志輯·江南 ③

乾隆江南通志(一)

鳳凰出版社●上海書店●巴蜀書社

兵部尚書兼都察院右都御史總督江南江西等處地方軍務兼糧餉提江臣趙弘恩謹
題爲欽奉

上諭纂修省志成稿謹奉

表上

進者臣等誠惶誠恐稽首頓首

上言伏以

帝德覃敷頌同風於八表

皇圖式廓慶寧宇於萬年

煥日月之照臨普光華而暉增星紀

協河海之清晏大恩膏而澤洽江邦維茲經野之良規用

善容民之大道是資圖志永著藩垣敬輯成編仰祈

江南通志

表

睿鑒竊惟斗牛分野旁連婁火之躔淮海惟揚北帶豫徐之

域敷條簞而包橘柚稽則壤於夏書川三江而浸五湖

考職方於周禮經文攸敘爲九州第五州爲九州第一

州史冊所書曰江南東西道曰淮南東西道水泉通利

有流壓鄭白之渠田賦上腴再熟美琅邪之稻粵若句

吳開國秉至德以垂風緬維洙泗傳人悟聖功爲有本

良相之先憂後樂嘯興於胥臺甫里之間大儒之誠意

正心實生於龍尾梅源之麓蓋江山清淑鍾孕物華教

澤淵源紹示文獻惟是唐虞五服尙遠於侯甸綏要厥

後晉宋六朝或流於風雲月露販章土宇異隅之景氣

彌芳疊見珍符

泰運之方輿獨盛於我

皇上

道貫三才

恩周六合

建厥中而咸遵道路若華戴勝之區梯航修貢

統無外而壹臬車書烏弋黃支之國版籍稱臣矧居江國

之首藩尤渥

天心之仁愛示以儉示以禮念此民風一民寒一民飢引爲

已責重蠲疊貸愈軫東作之勤劬十雨五風尙念西成

之豐歉障紫瀾而迴濁浪隄防倍厯

宸衷決渠雨而舉鍤雲疏濬無煩民力垂竿牽網江上下共

江南通志

表

冰

恩波煮海煎醴淮南北羣活

化雨惠風吹絳帳輶車駟馬慶三鰭暖日麗寒氈西序東膠

歌五絃但期賢良孝秀同升

玉陛之前何煩桐磬瑤琨爭列

金門之內開

恩科以廣攬建試院以分開千人俊而萬人英咸歸羅網吳

之頭而楚之尾均荷甄陶凡此懿典鴻謨曷旣休光美

實在愷悌旁流之內霑浩蕩以靡涯際純熙累洽之餘

蔚文明而有象茲當通志告成之日欣值

龍飛御宇之初彤管蒼毫莫罄

欽明之雅化金題玉躐都涵

雨露之新恩聿自辛亥之冬載始編摩之役歲月屢易削
刪方新文異三都類左思之遲鈍才疎七步謝子建之
從容覈實副名恐遺議於闕濫發凡起例爰預定其規
程禮聘英才羣相排纂臣等互加讎檢參酌見聞於是
恭錄

天章炳昭

國憲然後地理與人倫殺列文章與政事相宣櫟括十門
縷分各類權輿經傳或委或原涉獵史家職詳職要敢
云考摭咸當謹已次第成書劉道規先賢之傳祇及徐
州范致能辨誣之篇獨言吳郡思挂一而漏萬寧辭鉛

正有通志

表

三

槩之勞快稽古而驗今倍感遭逢之幸伏願

益調玉燭

常固金甌

配資生資始之元寒煖剛柔旁乎交鬯

徵時雨時暘之序寄象觀譚蹈德詠仁山出器車河出馬

圖豈但地泉流醴東南一尉西北一候長將天柱為標

有截神州合八埏而永奠无疆景祚與兩大而長新

等無任瞻

天仰

聖激切屏營之至謹奉

表隨

進以

聞

江南通志序

粵昔周官職方氏掌天下圖籍而辨其邦國都鄙與其財用穀畜之數以周知天下之利害蓋志之意肇於此迄班固作漢書著地理溝洫等志而志之名始立故後世有一統志列省有通志下而郡縣亦各有志

聖祖仁皇帝御宇之二十二年武功底定海內又安於是乎有修一統志之舉

詔天下各修通志蒞將登諸

天府用昭一王之鉅典也上下兩江爲吳楚名區幅員廣闊實甲天下霸業皇圖沿革不一而我

世宗憲皇帝

江南通志序

睿慮周詳因革盡善江省之州陞而爲府者二爲直隸者五縣之析而爲二者十有七諸如墾荒田免浮糧指難悉數卽鹽英郵傳亦皆弊絕風清茲復恭逢我

皇上紹承大統繼述前徽念江省爲東南財賦重地寬恤之典優於他省當此仁風翔洽萬善備臻之會通志一書脫不及時修輯吾恐久而不免於掛漏矣雍正七年

勅在廷儒臣續修一統志直省督撫各修通志誠以通志爲一統志之權輿而不容率畧也人上下兩江督撫諸大臣悉經術通儒而司藩臬者又多文學之彥雖纂輯有人而討論修飾公餘不廢爰彙

三朝之典故成此不刊之瑤編綱舉目張部分類別彰彰仰

郁質有其文殆將與周官漢志並垂天壤臣之來江省也晚未獲與於斯役適逢告成之期得載一言於簡末因不揣固陋而爲之序

昔

乾隆元年歲次丙辰孟夏穀旦整飭江南通省驛傳鹽法兼巡江寧道按察使司副使加二級紀錄二次臣孔傳煥謹撰

江南通志序

二

江南通志序

今上龍飛之元年丙辰江南通志書成凡二百卷距開局時
爲雍正之辛亥首尾凡六年矣而臣_臣承乏江安糧運
實與終始其事庸敢拜手以紀其成曰志書之設非徒
以矜淹博備見聞而已將以攷生民之利病究政事之
得失國家因事更張隨時變通之道於是乎在不可不
察也我

國家定鼎燕京歲漕東南四百萬石以資

天庾而江南實居其半_臣自備員以來間歲一押運適臨

熟悉其利弊知漕運之制斟酌盡善未有如

今日者也何則明初例用民運與軍對船交兌末年會解

江南通志序

白糧至京大戶每至破產前人蓋嘗言之

國朝於行月糧外定爲五米五銀之制俾民交兌與官官自

雇船起運一切赴通交納及遇淺過溜盤剝率挽之費

悉運丁支辦而民自交納後晏然無復事事法至便

思至厚顧欲恤民必先恤丁倘運丁困苦不支漕法遲滯廢

壞於此而更求變通則民運有不可知者矣每見州縣

官以恤民爲事動致刻削運丁而武弁亦疾視吾民官

弁各分左右袒而軍與民遂成隔膜之勢不知民運之

苦運丁當之則所以恤運丁者義當與民等現故欲戢

其咆哮之勢須先實其衣食之謀欲禁其騷擾之害須

先軫其道途之苦哉

世宗憲皇帝洞察幽隱無微不至所以優恤運丁者

恩意備至於舊例攜帶土宜六十石之外加增至一百石而

江淮興武二衛豁免應追贖夫底料銀十萬八千有奇

以後仍給付又令起運白糧撥實丁掣運五年更替務

使稍有贏餘踴躍從事舳舻安行市肆不驚聲

神倉於不匱垂榮利於可久蓋恤丁卽所以恤民而_臣奉

職於茲六年之久得免贖贖遲滯之咎實稟

成謀以倖免於罪戾敬因志書之成而詳述

本朝漕制之善超軼前代有如此云

皆

乾隆元年歲次丙辰仲夏月朔旦江南江安等處糧道

江南通志序

按察使司副使_臣王恕謹撰

江南通志序

國家重熙累洽德育仁涵休養生息百年之久海內又安
民人樂業彬彬乎禮讓和先道德一而風俗同也雍正

七年

世宗憲皇帝勅諭直省重修通志上之史館將以彙纂成編大

一統之宏謨昭承平之盛事迄今六閱寒煥爲我

皇上御極之元年而江南通志于是乎告成蓋志書之作所

以彰往察來鏡制度之得失人才之盛衰風俗之污隆

運會之升降固非徒侈稱疆域之廣戶口之繁已也江

南東環滄海西茹長江北倚河淮南俯震澤其名山與

區奇峯秀嶽往往而是靈異所鍾碩德殊材出而黼黻

江南通志序

五

王猷羽翼至道垂之不朽於天壤間者不可勝數即下

而販夫匹婦弱女幼童咸稟秀於湖山而孝弟節烈之

槩其動也天是其甲於天下者豈僅財賦繁豐物產滋

殖而充庭之貢纍纍若若升玉階而入金門哉若夫建

學明倫設官取士之制城郭宮室置郵置汛之規與夫

江河淮海之防賦役倉儲之法鑄山煮海充

天庾而實

神倉之慎畫監於成憲因地制宜變通趨時者一一仰

容處上京

廟謨煌煌乎一代之章程邁先而軼後而

累朝以來德隆恩溥至優且渥又惟江南爲獨多且數

也蓋此邦遭逢之幸爲諸省所不得而公者有由來

聖祖仁皇帝省方問俗六幸江南

鑾旗所指山川草木頓改六代之舊觀

膏雨所濡士俗民情咸沐一時之雅化而且

天文炳耀星紀增輝

宸翰淋漓斗牛煥采猗歟盛哉誠曠代之休風也

世宗升府州析縣邑則體國經野之制隆築海塘濬水道則猷

畝灌漑之利滋裕免四府浮糧運貨通省額賦

恩施不倦竭賑時行斯又大江南北白叟黃童歡呼祝頌於無

既者矣茲恭逢我

江南通志序

六

聖天子學本醇儒治隆古帝移風易俗則軫念吳會之膏腴

修河濬渠則樂免里閭之科派自歷年通賦蘇松耗羨

清項蘆課學租落地稅等及河灘淤地之征江夫河蓬

之費長江魚租場鹽折價錢糧悉蠲悉除無少靳惜又

因江南人才衆多文風鼎盛

特命上下兩江分闈鄉試廣增解額加意作人

誥諭類頌

恩波疊沛是際今運會方隆亦惟此方人士倍厯

淵衷之眷顧也抑何幸哉抑何幸哉切任監司觀風所至

熙熙皞皞既欣逢我

朝德化之成伏讀志書秩秩班班又快觀一方紀載之盛

既部分而類居亦詳稽而博考於以備史氏之採擇增
輿地之奇涵垂之萬禩久而不刊殆非太平寰宇元豐
九域諸書可得而媲美者已用敢敬述見聞以當拜薦
之萬一云爾

告

乾隆元年歲次丙辰孟秋月穀旦江南分巡鳳庭賴道

按察使司副使臣范璣謹撰

江南通志序

七

江南通志序

直省之有通志與古列國之有史同而輿地廣大則倍
之古者列國或百里或數十里各自爲境今車書一統
一省連跨數十國之舊封而江南尤屬東南大省舊志
修於康熙二十二年刻期告竣頗多缺畧今將綠府州
縣志及歷年卷冊所載詳稽核攷訂改增新合爲通志
役亦重且繁也雍正七年欽奉

江南通志序

八

世宗憲皇帝諭旨纂集成編上之職方備一統志之採擇蓋其
述之往者採自史傳增諸後者據事直書爲他年史氏
之徵信故凡子史百家之書購求必備州郡志乘印冊
繳取必詳隸上江者安徽藩司主之隸下江者江蘇藩
司主之督撫大吏延聘纂修鑒定董成殆六年於茲矣
臣於雍正十年督漕蘇松十有三年移臬安徽適當修
志之時上下兩江咸得協理其事與觀厥成見二百卷
之中恭紀

緒論宸章如讀帝典大訓敬述河渠

方畧如觀地平天成若

輿復錫租鄙減浮糧以及清運積貯諸大政紀載詳備而人文
之盛節烈之奇戶丁之繁物產之豐雖江南山川靈秀
風土清淑異於他省而實可想見我

朝重熙累洽之休濬涵樂育之久以馴至於斯也今者伏
遇我

皇上

文武聖神之資

仁義中正之學紹承

聖祖

世宗之所已行所欲行者而

誥誡誕布之海內莫不欣欣仰化而江南臣庶霑被尤隆

厚澤深仁良法善教大書特書其足爲志乘光者何可勝

數臣於茲志之成竊爲江南之士民幸而更以見四海

同風中外寧謐直省通志之成類復如斯由是葉爲一

統志以垂之不朽誠千百年來未覩之

盛典也已是用不揣謏陋識之末簡

江南通志序

九

崑

乾隆元年歲次丙辰仲秋穀旦江南安徽等處提刑按

察使司按察使加四級紀錄五次_臣劉柏謹撰

江南通志序

皇上以聖神文武續承大統

臨御之初聲教誕敷湛恩汪濊六服內外罔不漸被暨訖

尤

念江南爲財賦重地加意拊循蠲免積逋減除耗羨罷落

地之稅寬徵輸之期射陽湖濱墾復之田洞溢靡常繁

與除額開濬運河繕完隄岸纖悉出度支正供無累商

民所以惠綏南服者德至優且渥也而江南重修通志

一書於時適成江南在唐虞時爲揚州之域其分野則

上應乎牛女星紀其疆域則旁接乎齊魯楚越中州豫

章其地襟江帶河土風清嘉山水行秀蓋自秦伯以禮

江南通志序

十

教開基言游以文學播化嗣後人文之盛甲於天下匪

獨金錫竹箭擅名東南而已顧嘗攷之禹貢厥田下下

厥賦下上上錯而後世財賦大半仰給一隅韓昌黎有

言賦出天下而江南居十九蓋自唐代已然宋元勝國

因事倍增論者每有積重難返之歎而不知發政施仁

困極獲甦固有待於

興朝神聖之繼起也謹按前志作於康熙癸丑距今六十餘

載其中山川形勢疆宇阨塞非必有殊舊觀獨念此六

十餘載中恭遇

聖祖仁皇帝厚澤深仁有加無己以河工未就自甲子至戊子

屢勅

南巡之駕指示方略永慶安瀾

省方所至膏澤隨之獨祖發賑江左殆無虛歲

世宗憲皇帝繼志述事允執厥中免蘇松四十五萬之浮糧除

前明二百餘年之弊政黃童白叟擊壤歌時降

德音訪求民隱山陬海澨之遙不啻家至而人見之凡此皆前

志所未逮而載筆者所當大書特書者也他如郡縣之

增改以十計秩祀之修舉以百計版籍登矣而賦惟其

舊山澤廣矣而利庠民同巡舉微辟立賢無方內外成

防星羅棋置築瀕海土石二塘浚入海婁淞諸水

特命卿寺發帑興建費甚鉅而利則溥神化變通之道因時措

置之宜蓋不可以數計矣不有紀載將何以導揚

江南通志

序

盛美而昭示來茲則此通志一書豈徒備南省之掌故實

乃徵文攷獻以仰佐方輿一統之參稽者也臣承乏江

藩甫及一載前此開局編摩未獲預聞未議特以工成

剏刷循例得賜言于末簡有榮施焉夫藩司一職固會

計之所從出也司會計則言會計蓋未嘗不深幸茲土

之民獲生此輕徭薄賦之時為三代而後所不可多得

也今試觀志中所載戶口蕃息賦役均平人民康阜樂

業疆闢封守申畫鞏固有非唐宋以下所得而及者斯

豈一朝一夕之故哉遭逢

盛世

聖天子重熙累洽建極於上開府重臣宣德達情敷政於外

穆明交贊時和年豐故雖謫陋如臣亦得恪遵成憲竭

蹙驚鈍以圖報稱

恩遇千萬一又詎非吏茲土者之厚幸歟總目今上諭

冊府播諸通邑大都莅仕者以官績為必不可師力學者以

賢達為必可法兵農錢穀之事皆有所據以為章程則

是書誠攷鏡得失之林也奚必讀九邱八索始稱環室

乎

乾隆元年歲次丙辰秋八月穀旦江南江蘇等處承宣

布政使司布政使臣張渠謹撰

江南通志

序

三

江南通志序

世宗憲皇帝御極之七年

勅下督撫諸臣各修省志上之史館以備採擇江南總督臣

善巡撫臣因棟臣元章欽遵於九年冬十月徵集在籍

儒臣之博洽工文通達治體者開局於江寧蒐討排纂

草初未定督臣廷珍臣其傳撫臣世臣臣國璽臣本繼

之臣弘恩與撫臣毓臣琮臣國華復繼之致訂增損惟

慎惟詳迄今始克成書緒

表恭

進蓋自經始以來六易寒暑矣直省各志皆已次第進

呈而江南獨居其後江南為東南大省掌故事實浩如烟

江南通志序

主

海纂集綜核未敢猝成臣嘗舉其槩而論之輿地則五

省犬牙相錯經六代僞置紛更千餘年沿革分合綦繁

我

國家升析郡縣規制尤為盡善必此疆彼域廣袤詳明然

後山水關津城池都邑區別隸轄各有攸歸而宮室壇

壝梵刹仙宮往蹟新觀瞭如螺指此其形勝之宜詳者

也河渠則大海環其東河淮繞其北長江具區縈涵境

內而運河蜿蜒自南而北為四省漕艘要津上關

國政下利民生此其原委之宜詳者也食貨則田賦當天

下六之一關稅當天下十之七鹽課當天下五之三生

聚之繁物產之富甲於海內而積貯竭卹諸大政制既

詳於歷代

恩尤渥於

天朝使采摭有未當矣以資於治理哉至於陶淑以禮樂捍

衛以兵戎設官分職以臨蒞之分替列汎以鎮撫之既

育之於庠序爰拔之以選舉周秦而後經制始繁六朝

以來更張為甚由唐宋而元明武功文德夏造商因至

昭代而規模宏遠條理細密政使慎重出之猶懼弗備矧夫

泰伯之至德言子之文學季札之節槩流風餘韻興起

百世風會日開山川鍾毓而江左人物遂為天下先雖

前後殊揆隱見異轍然立德立言立功以厚人倫裨治

江南通志序

西

化厲風俗其致一也若匹夫販婦弱女黃童其貞孝節

烈亦皆錚錚佼佼可以廉頑而立懦稽之往牒采之近

今遺瀝兼譏是非易舛尤不可不詳且慎也舊志初於

康熙癸亥刻期告竣遂多闕漏

民力者至優極渥

聖祖仁皇帝六十餘年中厚德深仁如天如地所以軫恤江南

世宗憲皇帝整飭綱紀通變宜民惟富惟教江南尤荷格外

殊恩是皆舊志所未及載而今當衰而益之期觀美備垂於無

窮者也至我

皇上即位以來

惠顧東南

恩施稠疊諸凡振興禮教廣擢英才減賦蠲租拯災恤患均

遼

曠典非他省所可絜比志書之成雖後而沐浴

德化歌詠太平詳之紀載者獨先光昭簡冊照耀方隅不尤

隆哉臣何人斯幸董斯役折衷商榷不憚再三文已屬

而復刪稿將成而更易分門別類按部就班參稽攷正

期無謬鑿然後繕校成帙付之剞劂夫作志之難與史

略同彼或瘡而或彰此去誣而徵實彙訂之詳稱述之

當鮮學與識莫能擅長也乃若立言有體落筆成章則

又非才莫與茲志之成敢云三長之有歸庶幾言質而

事核其於

盛朝政教之詳明制度之美備風俗之醇厚賢才之衆多堂

江南通志序

主

哉皇哉彪炳宇宙軼後而超前者罔不披卷洞然而宣

猷布化奔走後先思因乎土俗民情而善厥敷施勉樹

功績者亦皆可一覽而得其槩也

昔

乾隆元年歲次丙辰冬十月穀旦兵部尙書兼都察院

右都御史總督江南江西等處地方軍務兼理糧餉

操江加二級紀錄十次臣趙弘恩謹撰

江南通志序

粵稽江南之地於禹貢職方爲揚州之域而半入於徐

其在古也厥土塗泥厥田下下自漢以後財賦漸廣幾

爲九州之上腴矣其土俗民風在同以前號曰句吳迄

春秋之世始通上國見於經傳者猶譏其朴陋而自孫

吳開業至於東晉江表益號名勝人文蔚起歷六朝唐

宋元明以逮

本朝賢才輩出事業文章甲於海內又自大河南徙會淮

泗以入海元明定鼎燕京楚越漕艘皆由江淮以入於

河故江南爲襟帶河海聯綰南北之要地而其山川土

田城郭戶口物產民風載在方輿者視諸省恆倍之雍

江南通志序

主

正三年

世宗憲皇帝以一統志歷久未成慎簡重臣敦率就功七年

詔各省重修通志錄上史館乾隆元年臣由總督漕運蒙

皇上恩命署理江蘇巡撫印務會江南通志告成例宜屬言

簡端竊意江南志書開局金陵招延名俊鳩工庀材皆

督臣爲之董其成而臣自承乏畿輔始領營田繼管河

道皆在北地洎總漕政駐節淮陰始得循河而南按視

工築差別堅瑕時則登高望遠相度地勢及署江蘇撫

篆乃按臨吳會得悉其版籍之繁庶文物之華縟風氣

之韶美以至徵調漕輓鹽筴關樞市集估舶無一不極

天下之盛實爲東南之名都巨鎮楚越既閩皆無以尚

之間嘗槩覽江南之全境大河在北區分形勢大海在東吐納潮汐而大江之委控引上下具區之浸資藉蓄洩號爲澤國詎不信然我

聖祖仁皇帝深仁煦嫗六十餘年屢次

南巡指授治河方略江海防汛之宜採風拔茹登之藝苑所以惠茲南國者恩至渥也逮

世宗憲皇帝勤求民隱軫恤有加平成之功洵足參贊天地而

又歲歷代之浮糧賑連年之饑饉修治川梁廣開水利

增博士弟子員廣鄉試解額蓋江南之被澤獨深云我

皇上龍飛御宇百度維新悉蠲直省遺賦而江南爲尤多察

孝秀舉鴻博加科廣額又以兩江人文特盛自元年

江南通志

七

恩科爲始分榜取士上江居其四下江居其六他凡所以休

養生息鼓舞作興之者靡所不至臣謬膺巡撫之職適

當繁劇之邦敢不仰體

聖心兢兢以養欲給求移風易俗爲務因序通志而備宣之

俾南國士民知幸生

重熙累洽之世敬承教澤士勤正學農服先疇商賈百工

各安其業務懇浮華以滋根本砥忠孝而奮功名親民

之吏拊循訓飭布昭

德化悖大成裕蒸蒸日上隆使閱志書者咸謂江南重地不獨

山川瑰麗城郭崇闕衣冠俊偉田賦物產爲天下最而

禮教風俗節義文章之盛亦實足當各省之弁冕也豈

不休哉至於纂修是書妙選僚佐旁搜博證由經始以迄後事則督臣之序具詳焉無庸復贅也

昔

乾隆元年歲次丙辰冬十月穀旦巡撫江蘇蘇松等處

地方都察院右副都御史兵部侍郎加二級臣顧琮

謹撰

江南通志

六

江南通志序

江南纂修通志告竣計二百卷視舊志七十七卷幾再倍焉其爲志分括十門若輿地食貨學校武備職官選舉人物藝文此與舊志同者也若十門之前恭紀

詔諭於卷首添河渠志於次二并雜類志於末以足十門之

數此與舊志未同者也而兩志之卷帙繁簡詳略相去

懸殊先是署兩江總督臣繆荃孫總督臣其倬臣

弘恩署江蘇巡撫臣國棟臣世臣臣國璽臣琮安徽巡

撫臣章臣本臣絃經始綜理下延纂修疊加審慎臣

國麟欽承

簡命調撫上江從諸臣後兼董厥成獲觀全志乃知非舊志

江南通志序

尤

之略而此志之詳也亦非此志之失繁而舊志之能簡

也我

國家膺

天祐命

聖聖繼承仁育義正事上超前古若夫屢錫疊賑江南濡被

尤厚蓋自修志後五十餘年

聖祖臨御之久恩澤及人之深

世宗繼緒之隆敬勤爲民之大不惜數百萬金錢以固河海之

隄防預截數百萬漕米以裕州縣之積貯歲減四十五

萬浮糧以紓蘇松之民力學官書院時沛

特恩孝友鴻博之士得以升積學勵行之才有所養以致風俗

歸淳厚雲物呈嘉祥江右士庶之歌頌咸謂放勳重華

皇上

聰明天直

睿孝性成四海之大兆民之衆誦

皇謨而知聖學之貫徹於唐虞洙泗接

恩詔而知聖誥之兼美於文武成康正人心厚風俗錫迪宥

罪使民荷安全吏無聖誤財賦重地視他省有加焉凡

茲

重熙累洽之徵應實心宣政之措施固屈宋班揚鋪張揚

厲所不能盡咏歌紀載所不敢造而況山川土田人文

江南通志序

干

之美江南獨擅可勿縷述以備一統志之採擇哉其爲

繁而不能簡詳而不容略固其宜矣惟是直省奉

命纂修以來臣國璽在八閩時舉行而未觀成今來江南適

值將竣之會並預鑒裁之末竊自欣幸爰用表其所以

視舊志繁而詳者爲之序

告

乾隆元年歲次丙辰冬十月穀旦巡撫安徽等處地方

提督軍務都察院右副都御史紀錄十八次臣趙國

蔭謹撰

江南通志序

周禮小史掌邦國之志外史掌四方之志職方氏掌天下之圖遼師掌四方之地名辨其邱陵墳衍原隰之名蓋王者以天下爲一家中國爲一人必使薄海之大按圖攷籍聯如指掌而周知其故斯有以辨土性而物土之宜因俗尙以施八政七教而不易其俗且山川阨塞險阻周防詳悉委折設險守國之道亦得所依據以爲固唐宋以來圖經郡志實本此意所係綦重矣哉而抑有進焉者古今賢詰前史不能備載邑乘家牒故老相傳若襄陽耆舊傳零陵先賢傳亦足以補國史之闕遺而興起斯人敦行砥節之思是其權尤與史官埒我

江南通志序

主

國家重熙累洽

聖聖相繼德澤恩溥編於寰區幅員之廣超軼前古雍正七年詔各省督撫修通志江南實九州之上腴神皋奧區甲於天下是時封疆大吏咸敬謹不怠以奉

聖天子之德意開儒館舍禮聘耆碩厚其廩餼嚴其課程蒐萃史集覽諸志乘廣蒐博採剔抉幽隱踰數年而成書上叶星躔下稽歷代建置形勢風俗戶口田賦山川關隘水利津梁郵傳祠宇陵墓以逮名宦人物列女仙釋之魁奇特山物產之利用厚生碑版載籍發文炳著靡弗攷核精密紀述詳明限閱貫串以備

乙夜之覽乾隆元年書成將獻諸

朝臣

見憲天稽古之道焉於形勢風俗見化俗宜民之方焉於戶口田賦見休養生息之隆焉於山川關隘水利津梁郵傳見體國經野之規焉於祠宇陵墓見崇德尚功之意焉於名宦人物列女仙釋見微顯闡幽之旨焉於物產見對時育物之功焉於藝文見黼黻休明之盛焉周官所職具見是書爰敢拜手稽首而爲之序

皆

乾隆元年歲次丙辰冬十月穀旦提督安徽等處學政左春坊左贊善兼翰林院檢討加一級臣鄭江謹撰

江南通志序

主

江南通志序

乾隆元年丙辰夏四月 臣斯盛蒙

恩任安徽布政使司事時江南通志將次成書臣因得與編校之役搜遺補闕督趣集事又逾半載而告成凡二百卷其間輿圖田賦職官民物古今因革沿潤之宜略已大備煥然維新矣臣伏惟江南幅員廣遠安徽與江蘇分閭而治其地北薄虹羅南抵黔歙西界皖口控扼千有餘里財賦差半江蘇而江山阨塞形勢險固實爲過之自春秋吳楚之世爭鍾離居巢州來爲今鳳陽壽州廬州巢縣之地降及三國六朝孫氏之濡須祖逖之譙城韋叡之合肥世稱南北重鎮而元明之季穎亳英霍界連楚豫長江左右獨爲吳區蓋山川隔閼疆界糾紛居東南輻輳之會而鈴轄阻深不盡如江蘇所隸廣谷大川平曠曠野彌望千里也地險民聚而富之教之又一道也我

江南通志序

臣

世祖章皇帝掃平區夏式用九圖

聖祖仁皇帝六十年深仁厚澤淪肌浹髓

世宗憲皇帝益加整飭析縣置郡慎固封守黎庶乂安我

皇上統

三聖而續承之卽位之初

厯懷民瘼諮免蕪湖縣江夫河篷租稅蠲除泗州安河兩岸墾科淤地錢糧斯民鼓舞相慶久矣夫醇氣漸濡太和

翔洽本深而未茂質勝而文生確犖者畊桑游閭者勤動雄傑者高明深鷲者沉潛諸觀志中所載凡職官之嚴密疆里之周詳賦役戶口之輕重多寡墩防戍守之聯絡環衛傑乎若星羅而棋布秩然如絲櫛而髮理有動靜相調之勢無勞逸不均之慮有詰奸禁暴之實無糜餉冗兵之煩蓋本

國家治益求治安益求安籌疆域如戶庭運

神州於掌上而臣幸得備藩斯地因通省全志之成列兩

江地勢之殊詳

本朝規畫之盡善遠邁前古以昭

列聖神謨遠略用固億萬年不拔之基匪直列掌故備史氏之

江南通志序

臣

見聞而已

告

乾隆元年歲次丙辰冬十月穀旦江南安徽等處承宣布政使司布政使臣晏斯盛謹撰

江南通志序

天志卽史也自班孟堅易龍門八書爲十志後之人謂修史之難無過於志而臣以爲修志難修江南志尤難修江南五十餘年未修之志則難之又難何則謹湖前志創自康熙二十有二年由癸亥以迄於今

列聖心傳若合符節無日不以理財用人寬大愛民爲急務故建中立極涵育薰陶子惠元元有加無已雖六合內外無一非被澤之地被澤之人而大江南北地廣人稠生聚幾百年供賦甲天下其或旱澇之不時利弊有未盡在

九重注念尤切民依故數十年來江南之需

江南通志序

恩誠

德視他省獨多而臣江南人知之更悉今試就大槩者論之增祀典以崇

先聖建書院而教人才兩江數千里豆籩糜餼無一不周則學校之難志也千旌下及夫衡茅鴻博徧羅之朝野開科廣額光照南天則選舉科第之難志也修河堰謹海防歲爲民計不惜金錢而江南無水患則河渠水利之難志也浮糧之供額皆蠲十載之積遺全豁阜財明詔無歲不頒而江南無困民則田賦稅課之難志也他如良臣之骨鯁循吏之端方孝友閭人義行節烈給賸濟濟正正堂堂何莫非

聖朝之風化攸關教育所致苟非執簡者有倫有則不蔓不

支何從協十六郡之輿論而示大公據六十年之掌故

而昭法守哉臣故曰修之者難也爾乃

勲華繼序委任卓夔遴聘博物諸君子分例校讐撮拾近聞

悉稽典故務以史才抒史筆事事有徵言言可信是以

大綱具舉節目全張覺城郭封疆依然如舊而山川風

土靡不改觀有不斂手欽服默識神怡以頌大章大典

之無遺憾者哉是志告竣臣欣覩成書恭逢盛事仰矚

魏之

聖德親臨之淳風砥名勵行固足以取鏡於文獻而以江

南人讀江南志桑梓之地父母之鄉日習夫所見所聞

江南通志序

美

更不勝縷繆徘徊而恭敬捧持之莫釋也已爰頓首拜

言附諸簡末並以見向所爲難者正不難也

皆

乾隆元年歲次丙辰孟冬月穀旦江南蘇松常鎮太督

理糧儲兼巡視漕河副使道臣姚孔鈞謹撰